

coronis vestibisque indutam, coelestibus odoribus perfusam:
 omnimodo mirabilem Deum infinitum, quoquo versus spectan-
 12. tem. Per coelum a millenis solibus si existeret subito ex-
 13. orta lux, ea similis foret fulgori huius magnanimi. Ibi in
 unitate comprehensum mundum universum, multifariam dis-
 tributum, tunc intuebatur in Dei deorum corpore Pandui-
 14. des. Deinde is obstupefactus, arrectis pilis, opum con-
 temtor inclinato capite Deum, palmas suppliciter tendens, af-
 fatus est :

ARJUNAS loquitur :

15. Conspicio Deos, o Dive, in tuo corpore cunctos, pariter-
 que animantium omnigenorum catervas; BRACHMANEM domi-
 num in loti calyce sedentem, Sapientesque cunctos, ac ser-
 16. pentes coelestes. Plurima brachia, latera, ora, lumina
 gerentem intueor te, undique specie infinitum. Nec finem,
 nec medium, nec vero etiam initium tui cerno, universi do-
 17. mine, omniformis! Tiaratum, clavigerum, discophorum-
 que, splendoris cumulum, undique fulgidum cerno te, ad-
 spectu arduum, omni ex parte ad instar accensi ignis vel solis
 18. radiantem, immensum. Tu es simplex illud ac individuum,
 summum scibile, tu huius mundi eximius thesaurus; tu in-
 exhaustus, perennium legum sospitator, aeternus: tu GENIUS
 19. a me agnosceris. Initio, medio ac fine carentem, infinito
 robore praeditum, infinitis brachiis instructum, lunam solem-
 que oculis referentem, cerno te, ore flammantem, splendore
 20. tuo Universum hoc foventem. Inter polum telluremque
 hocce spatium sane expansum a te solo, nec non plagae coe-
 lestes cunctae. Visa stupenda hac tua forma terrificam mun-
 21. dus tergeminus est consternatus, magnanime. En, istae